

*Dutis lis novitâts di Folkest 2017*

## La musiche dolce di une lenghe fuarte

*Il grup musicâl Brail - Friul*

Trentenûf edizioni di garanziis: Folkest 2017 al conferme di jessi un dai festivals plui impuartants tal panorame musicâl european. Baste dâi une cjalade al program par rindisi cont dal grant lavôr che dal 1979 al ven puartât indevant. E chest an a son anje diviersis

validitât di Folkest tant che proget strategic pe difusion slargjate de lenghe furlane sul teritori regionâl. Cun di plui, il festival al à rivât a dâi grande visibilitât al furlan in cjamp artistic midiant de musiche, “lenghe universâl par ogni etât”, jessint presint intai grancj

novitâts: une des plui evidentis e je che il sît [www.folkest.com](http://www.folkest.com) al è dut trilingâl (talian, furlan e inglès), in graciis de colaborazion e dal sostegn de Agenzie Regional pe Lenghe Furlane. Di fat, la ARLeF e à finanziât cheste sinergie confermant la

e piçui país de region, e no dome. Tal specific, sul palc al jere in bieles evidences il fondâl cul sproc “*Une musiche dolce di une lenghe fuarte*”, intant che par ogni serade a jerin presints i stands promoziônai cul materiâl informatîf par furlan di Folkest e de ARLeF. Cun di plui, la Agenzie e à garantît anje un supuart linguistic costant te ativitât di comunicazion des iniziativis in program. Duncje, une manifestazion impuartante sedi pe musiche sedi pe lenghe, stant che anje diviers artiscj furlans a àn podût sunâ intune edizion pardabon siore di ospits internaziônai. Folkest, che al à otignût il patrocinio anje di Unesco, Ministeri talian dai Bens culturâi e dai Afârs pal forest, Republiche di Slovenie, Regjon Friul - Vignesie Julie, ARLeF e Provincie di Udin, al è il prin festival folk dal Sud de Europe, e za di timp al à passât il milion di spetâtors complessîfs.

*Il gnûf film di Garlatti-Costa finanziât de ARLeF*

## “Missus”, la storie di Glesie Furlane

Poesie, profunditât, fuarce, musiche, lenghe e identitât furlane: a son chescj i ingredients principâi di “Missus”, il documentari di Massimo Garlatti-Costa dedicât a Glesie Furlane, la associazion di cristians e furlans che a cirin di lâ a fonts des lôr lidris culturâls e religiosis.

Il film al conte de storie di chescj predis e de lôr bataie che e va indevant di passe cuarante agns, ven a stâi di cuant che il Concili Vatican II al à viert al ûs liturgjic di dutis lis lenghis, no dome chê latine. Come che al ricuarde il musicolic, e une des personalitâts di riferiment di Glesie Furlane, pre ‘Sef Cjargnel: “Cuant che a àn dit di fevelâ te liturgjie intes lenghis vivis, ducj i predis a son passâts al talian”. Anje in Friul.

Compagnâts des musichis corâls di tradizion patriarchine eseguidis cun maestrie dal côr “Rôsas di mont” de Plêf di Guart, sot de vuide propit di pre ‘Sef, “Missus” al è stât realizât anje cui sottitui par talian e par inglès par jessi distribuît in dut il mont: di fat al è stât iscrit a cuasi 20 concors internaziônai e al è in spiete di scomençâ il “Missus Tour”.

Il titul dal film al ven di une tradizion tipiche dome dal Friul, come che al spiege pre Roman Michelot: «La novene di Nadâl in Friul e je di simpri stade caraterizade dal cjant dal Missus. Tant che la int no diseve mai “O voi ae Novene di Nadâl”, ma “O voi al Missus”». Par chest, la prime proiezion dal documentari in Friul e je previodude propit tal Dicembar dal 2017.

“Missus” al è stât finanziât in maniere impuartante de Agenzie Regional pe Lenghe Furlane e al è sostignût anje dal Font regionâl pal audiovisîf dal F-VJ.

«O stimin fundamentâl invistî tal audiovisîf par promovi la lenghe furlane parcè che al è un mieç che al rive cun fuarce al public e, come in chest câs, a int di dut il mont», al à rimarcât Lorenzo Fabbro, president de ARLeF.

*Di çampe: pre Roman Michelot, pre ‘Sef Cjargnel, pre Giulio Ziraldo e pre Roberto Bertossi*

Par plui info e par viodi il trailer:  
[www.missusfilm.com](http://www.missusfilm.com)  
[www.glesiefurlane.org](http://www.glesiefurlane.org)  
[www.facebook.com/Missusfilm](https://www.facebook.com/Missusfilm)



## GNOVE TASTIERE FURLANE SEMPLICE

Sul sît [www.arlef.it](http://www.arlef.it) e je cumò a disposizion la Tastiere Furlane Semplice: e permet di scrivi svelts e corets in lenghe furlane cui acent e cui caratars juscj. Doprâle nol è complicât: une volte instalât il program, par scrivi lis letaris furlanis al baste doprâ chestis cumbinazions di botons: AltGr+a, par otignî “â”; AltGr+e, par otignî “ê”; AltGr+i, par otignî “î”; AltGr+o, par otignî “ô”; AltGr+u par otignî “û”. Il stes procediment al funzione pes letaris maiusculis, cu la zonte dal boton shift, anje pal caratar “Ç”. Le gnove version e je adate par Windows XP o superiôr.